

Visoki predstavnik Inzko otvorio Samit mladih poduzetnika u Brčkom



Visoki predstavnik Valentin Inzko posjetio je danas Sajam "BOSPEXPO" u Brčkom gdje je otvorio Samit mladih poduzetnika. Iskoristio je ovu priliku da čestita organizatorima na njihovoj inicijativi i prihvatanju izazova da se uhvate u koštač s problemom masovnog odlaska talentiranih i produktivnih mladih ljudi iz ove zemlje i regiona.

„Ovaj samit je inspiracija za sve nas. On poziva na povezanost, saradnju, partnerstvo i jedinstvo. Divno je vidjeti toliko mladih ljudi koji su voljni raditi zajedno, udružiti snage u nastojanju da ostvare zajedničku i prosperitetnu budućnost „, rekao je visoki predstavnik.

Visoki predstavnik je izrazio punu podršku postizanju cilja koji je ovaj samit postavio, a to je stvaranje regionalne mreže mladih poduzetnika i pomoći u naporima da se zaustavi masovan odlazak mladih.

On je također pozvao vlasti Brčkog da slijede primjer ovih mladih ljudi u nastojanju da osiguraju svjetliju budućnost za Brčko i tako budu primjer za BiH u cjelini.